

տակը տանել կամ շուռ տալ, բայց ի դուրս ապա մոլեղնութեամբ ջրից շատ բարձր է թռչում և հէնց այս վայրկեանին նրա բանը վերջանում է. շորս կողմից դանակներ են խրում նրա մարմնի մէջ: Երկար կռուից, վէրքերից և արևնաքամ լինելուց բոլորովին ուժասուրբ եղած և թուլացած տափածուկը վայր է ընկնում ջրի մէջ. ապա նրան հանում են ծովափը:

ՊԱՇՏՈՆԱԿԱՆ ՀԵՐԲՈՒՄՆ.

Մայր Աթոսից օրդան «Արարատ» ամսագրի 1901 թ. համարում մի պաշտօնական գրութիւն էր գետեղուած իրրե հրահանգ երեցփոխանների համար: Հրահանգ հրատարակելու աւելիք եղել է իմ 1901 թ. Մայիսի 23-ի № 17 Տփլիսի Հայոց Կոնսիստորիային ուղղած գրութիւնս, որոյ մասին յիշատակութիւն անգամ չկայ: Տփլիսի Կոնսիստորիայն մեղադրում է ինձ, որ ես Մոպսայի եկեղ. մի միաբան քահանայի համար 130 ռբլ. մի շուրջառ եմ կարել, իսկ միւս միաբանի համար որպէս թէ զլացել եմ 12 ռբլ. ծախսել: Տփլիսի Կոնսիստորիայն, հիմնուելով Նիկիոյ և սուրբ Սահակի ժողովների կանոնների վրայ՝ հետեցնում է, որ ես իրրե երեցփոխան յայտնի ծախսեր անելու համար պիտի հրահանգուէի յիշեալ ժողովների կանոններով: Այն յենարանը, որի վրայ հաստատուած են Կոնսիստորիայի եղբակացութիւնները, խախտւա է բոլորովին և իսկապէս յենարան չէ այլ ես: Կոնսիստորիային յայտնի է, որ պատմական ընթացքով յիշեալ ժողովների կանոններին փոխարինել են նոր կանոններ. Կոնսիստորիայն քաջ գիտէ — վերե յիշած ժողովների կանոններն ամփոփուած են վերջին ժամանակներս հրատարակուած կանոնների մէջ, որը Պաշտօնական է կոչւում, որի կանոնների կատարումը նոյն Կոնսիստորիայն ի պահանջել հարկին զէնք է ընդունում՝ խստիւ պահանջելով երեցփոխաններիցս նրա իրադրութեամբ, և որից նա ինքը հետեւորար խուսափելու իրաւունք

չունի — և այս առնելը գիտենալով հանգերձ՝ նա գիտակցօրէն անգիտութեան է տալիս իրան:

Սա տարրական կանոն է, որ երբ նոր կանոններ են հրատարակուած, հինը կորցնում է իւր նշանակութիւնը և դառնում պատմութեան նիւթ: Սակայն Տփլիսի Կոնսիստօրիայն, երբ ձեռնառու է իրան, պօլօթէնիայի կանոններն է յե- նարան ընդունում, երբ ձեռնառու չէ, Նիկիոյ կանոններն է արխիւից հանում:

Իբրեւ պատասխան ես բաւական եմ համարում գնել այստեղ իմ պատասխանը Տփլիսի Հայոց Կոնսիստօրիային, որից ընթերցողը կնկատէ, որ ես գործել եմ, որովհետեւ իրաւունք ունէի. դա իմ իրաւունքն է եղել. — օրինազանցներին լաւ կլինի Կոնսիստօրիայի մէջ և նրա սահմաններում որոնել:

Ի Վիճակային Կոնսիստօրիայն Հայոց Վրաստանի և Իմերեթի

Մողնւոյ երեցփոխան գեներալ -
մայեօր իշխ. Ա. Բէհրութեանից

Ստացայ Առեւտրի 15 Մարտի 1901 թ. № 1078 շրջա-
բերականը տպագրուած, ուր յիշատակուած են բաղմաթիւ
օրէնքներ և յօդուածներ, որոնք ընդգծուած նպատակին
չծառայելուց զատ՝ ոչինչ կղրակացութեան չեն յանգում: Այդ
յօդուածների մէջ ուշադրութեան արժանի է 1896 թ. XI հ.
122 յօդ., որով Առեւտրի աշխատում է բացատրել, թէ ես
օրինաշանց եմ գտնուած գէպի իմ պարտականութիւնը:
Օրէնքի թէ այդ և թէ միւս յօդուածների ուղիղ ըմբռնման
վերաբերութեամբ՝ անհրաժեշտ եմ համարում հետեւեալը
յայտնելու:

Ա. Օրինաց I հատոր I մաս 65 յօդ. (1897 թ. տպա-
գրած) պատուիրում է օրէնքը կատարել ճշաիւ, ըստ մտաց
և ըստ տառականութեան առանց փոփոխութեան և մեկնա-
բանութեան:

(Законы должны быть исполняемы по точному и бук-
вальному смыслу оных, безъ всякаго измѣненія или рас-

пространенія. Сводъ законовъ Россійской Имперіи. Томъ I. часть I. ст. 65. изданіе 1897 г.)

Բ. 72 յօդ. Հին օրէնքը իւր ոյժը պահպանում է, քանի որ նորը չէ հրատարակուած կամ փոփոխութեան ենթարկուած:

(Законы сохраняютъ свое дѣйствіе, доколѣ не будетъ отмѣненъ силою новаго закона, ст. 72.)

Գ. I. հ. I մ. 73 յօդ. (1891 թ. հրատարակուած) պատուիրում է՝ գոյութիւն ունեցող օրէնքը, ինչ ճանապարհով որ տուել է իշխանութիւնը, նոյն ճանապարհով և նոյն ձևով էլ պիտի վերացնէ նոյն իշխանութիւնը:

(Отмѣна закона существующаго совершается тѣмъ-же порядкомъ, какой означенъ для составленія законовъ, ст. 73.)

Աւերմի քանի որ 1229 յօդ. փոխուած չէ օրէնք հրատարակողի կողմից, ես իրաւունք չեմ համարում ինձ լսելու որեւէ աւելորդ մեկնութիւն ում և իցէ, կողմից, որպէս զի օրինաւանջ չգտնուիմ:

Իսկ ինչ վերաբերում է Նիկիական ժողովի, սուրբ Սահակի, Մխիթար Գօշի և այլոց կանոններին, այստեղ ես յարմար չեմ համարում այդ մասին կարծիք յայտնելու առ այժմ:

Մարտի 15-ի 1901 թ. № 1078 շրջաբերականով (մահադրած «Ըստ հրամանի Նորին Կայսերական Մեծութեան...») Ատեանը կամենում է պետական օրինաց 1219 յօդ. փոխել՝ աւելորդ մեկնութիւններ տալով: Այդ մասին ես վստահանում եմ՝ կարծել, որ դա վեր է մի ստորագրեալ իշխանութեան կողմից դէպի բարձրագոյն իշխանութիւնը: Եթէ Ատեանդ իմ այս յայտարարութիւնը լսելուց յետոյ՝ չի կամենայ փոխել № 1078 ապագրած շրջաբերականը, յայն դէպս խնդրում եմ իմ բացատրութիւնը (իսկականը և ոչ պատճէնը) ի 15-ն Մարտի 1901 թ. № 1078 ապագրած շրջաբերականի հետ միասին՝ Ատենից կարծիքով հանդերձ ուղարկել Լէժմիաճնի Սինոդի պրօկուրորին ի տնօրէնութիւն՝ նորանից որոշում լսելու: Խոնարհաբար խնդրում եմ յայտնել ինձ Ատենից կարգադրութիւնը ոչնչորութեան մասին:

1901 թ. 23 Մայիսի Տփլիսի №-17.

Երեցփոխ՝ Իւս. Ա. Բեհուրեանց